

**BAB 7 : EKONOMI MALAYSIA****SPM2004/A/S4**

b) Sebab kerajaan membuat pinjaman:

- Untuk menampung kekurangan hasil kerajaan jika berlaku defisit dalam belanjawan negara. Ini menjamin kerajaan mencapai matlamat ekonomi yang dirancang.
- Untuk membiayai pembangunan ekonomi demi meningkatkan taraf hidup rakyat.
- Untuk membiayai kelewatan kutipan hasil cukai. Kerajaan terpaksa meminjam untuk menampung perbelanjaan mengguna bagi memastikan pentadbiran berjalan lancar.

c) Tiga jenis pinjaman dari sumber dalam negeri:

**Surat jaminan kerajaan**

Merupakan pinjaman jangka panjang. Ia mempunyai nilai muka dan bayaran faedah yang ditetapkan. Ia dijual kepada KWSP, bank perdagangan, institusi kewangan dan orang ramai.

**Bil perbendaharaan**

Merupakan pinjaman jangka pendek. Ia mempunyai nilai muka yang tertentu dan dijual kepada institusi kewangan dan orang ramai dengan harga diskaun.

**Sijil pelaburan**

laitu pinjaman jangka masa panjang yang dikeluarkan oleh kerajaan kepada institusi kewangan Islam. Pemegang sijil akan dibayar dividen.

**SPM2005/A/S5**

(a) Masalah pergantungan ekonomi kepada sektor utama:

- Ketidakstabilan harga komoditi sektor utama menyebabkan ketidakstabilan pendapatan rakyat dan pendapatan negara.
- Daya pengeluaran sektor utama yang rendah membawa pendapatan yang rendah kepada penduduk dan negara. Seterusnya ia akan menyebabkan taraf hidup yang rendah.
- Penyerapan guna tenaga yang kurang menyebabkan kadar pengangguran yang tinggi dalam negara.
- Pelaburan negara terjejas kerana penurunan pendapatan negara dan ini seterusnya memberi kesan kepada penyerapan tenaga buruh negara.

(b) Lima jenis cukai tak langsung:

- **Duti import** – cukai yang dikenakan ke atas barang import dari luar negara. Contohnya rokok, kereta dan minuman keras.
- **Duti eksport** – cukai yang dikenakan ke atas komoditi utama yang dieksport seperti minyak kelapa sawit dan balak.
- **Duti eksais** – cukai yang dikenakan ke atas barang akhir atau barang yang hendak dijual kepada pengguna. Barang kawalan seperti beras, gula, dan susu akan dikecualikan daripada cukai jualan.
- **Cukai perkhidmatan** – cukai yang dikenakan ke atas perkhidmatan yang diberi oleh hotel, restoran, insurans dan servis kereta.

**SPM2006/A/S4**

(b) Lima kesan dari perubahan dalam sektor ekonomi:

**Pelaburan asing**

Pelaburan asing/modal/kepakaran/teknologi tinggi semakin meningkat terutamanya dalam sektor kedua dan sektor ketiga.

**Peluang pekerjaan**

Sektor kedua dapat mewujudkan lebih banyak peluang pekerjaan. Keupayaan menyerap guna tenaga lebih baik daripada sektor utama.

**Pendapatan negara**

Produktiviti yang tinggi dalam sektor kedua dan ketiga menyebabkan pendapatan negara meningkat/stabil.

**Taraf hidup**

Pendapatan per kapita penduduk meningkat kerana sektor kedua dan ketiga banyak peluang pekerjaan diwujudkan. Kuasa beli penduduk meningkat. Ini menyebabkan kadar kemiskinan menurun.

**Perkembangan sektor perkilangan**

Banyak kilang dibangunkan dan wujudnya pelbagai industri seperti industri berat, tekstil dan elektronik.

**Perkembangan sektor perkhidmatan**

Perkembangan sektor kedua memerlukan pelbagai perkhidmatan sokongan. Akibatnya, sektor perkhidmatan berkembang maju.

(c) Tiga kelebihan pinjaman dalam negeri :

- Lebih mudah diperoleh/fleksibel. Syarat pinjaman lebih longgar/peraturan pinjaman tidak ketat. Tempoh kelulusan juga lebih pendek.
- Tidak melibatkan pengaliran keluar wang.
- Tidak dipengaruhi oleh perubahan pertukaran asing. Jumlah hutang negara tidak bertambah akibat penurunan RM
- Kadar faedah lebih rendah
- Kos pinjaman kerajaan rendah, kesannya beban hutang negara rendah.

**SPM2006/A/S5**

(a)

(i) Gambar rajah 3 [ Duti eksais]

- Duti eksais ialah cukai yang dikenakan ke atas barangan keluaran tempatan untuk pasaran dalam negeri
- Cukai jualan, cukai yang dikenakan ke atas barang akhir/barang yang hendak dijual kepada pengguna.
- Secara tidak langsung, pembeli akan menanggung beban cukai apabila membeli barangan tersebut.

(ii) Gambar rajah 4 [ Duti import ]

- Duti import ialah cukai yang dikenakan ke atas barangan yang diimport dari luar negara

- Cukai jualan, cukai yang dikenakan ke atas barang akhir/barang yang hendak dijual kepada pengguna
- Secara tidak langsung, pembeli akan menanggung beban cukai apabila membeli pencetak tersebut.

**SPM2007/A/S4**

- (c)
- (i) Perbelanjaan pembangunan ialah perbelanjaan pelaburan kerajaan dalam projek-projek pembangunan ekonomi negara. Perbelanjaan pembangunan boleh menambah modal fizikal negara dan keupayaan pengeluaran sesebuah negara.

- (ii) Perbelanjaan pembangunan:

Perbelanjaan	Jumlah (RM juta)
Perkhidmatan ekonomi	12 700.00
Perkhidmatan sosial	16 250.00
Keselamatan	3 100.00
Pentadbiran am	3 090.00
Jumlah	35 140.00

- (d)
- (i) **Kadar cukai**  
Kadar cukai akan dinaikkan. Apabila kadar cukai dinaikkan, pendapatan boleh guna rakyat akan berkurangan. Oleh itu permintaan rakyat akan berkurangan dan inflasi dapat dikawal.
- (ii) **Perbelanjaan negara**  
Kerajaan akan mengurangkan perbelanjaan kerajaan dengan menangguhkan projek pembangunan. Hal ini akan menyebabkan pendapatan penduduk berkurangan dan perbelanjaan rakyat berkurang dan inflasi dapat dikawal.

**SPM2008/A/S5**

- (a)
- (i) Kedudukan kewangan kerajaan
- Sumber hasil kurang daripada perbelanjaan kerajaan
  - Belanjawan kurang/defisit
  - Jumlah defisit sebanyak RM18 724 juta (RM106 304 juta – RM125 028 juta)
- (ii) Kerajaan mengatasi masalah tersebut dengan membuat pinjaman dalam atau luar negeri.
- (iii) Sebab kerajaan perlu membuat demikian :
- Menampung kekurangan hasil kerajaan/belanjawan defisit
  - Membiayai pembangunan ekonomi
  - Membiayai kelewatan kutipan cukai
  - Membiayai perbelanjaan mengurus
  - Mengagihkan pendapatan melalui projek tertentu
  - Hasil yang diterima hanya dapat menampung perbelanjaan mengurus
  - Menjalankan projek tertentu untuk memberikan faedah kepada rakyat.